



Sää'mnuõri čäppvuõdpei'vv Ruä'vnjaargâst njuhččmannust - teemmân lij musiikk rockist juõikid

Sámenuoraid dáiddadáhpáhus/ Sää'mnuõri kuõittpeei'v čäppvuõdpei'vv riäžžât Ruä'vnjaargâst Nuõripõrtt Mondellast kâskka gâárad njuhččmannu 7.-8. peei'vi. Vâ'lddkâádlâž Nuõri Kulttuur – poodd jeät riäššu tän ee'jj ni voo'ps, nääi't Sää'mnuõri čäppvuõdpei'vv lij pâádnallšem jii'jjes-i pei'vvpodd. Čäppvuõdpei'vva vue'rded vuässõõttjid pukin saa'mi dommvuud koo'ddin da še jee'res á'rnn.

Teemmân musiikk

Čäppvuõdpei'v teemmân lij musiikk. Čuä'jtõõzz vuei'tte lee'd laulli, juõik (luohti, livde, leu'dd), rockia, räppiä, jiõglvaž musiikk, instrumentaalaž musiikk le'be minimusiikla. Čuä'jtõõzzi kookkadvuõtt lij jäänmõsân **5 minuutt**.

Plakaatt

Juákksain čäppvuõdpei'vva vuässõõtti škooulâst tuáivat õhtt eunnsaž A2-šoorâ plakaatt, koon teemm da raajjâmvue'kk lij luõvâs. Tuejjei vuái'tte jiõčč riäššâd, mâi'd haa'lee čuä'jtet jii'jjes škooulstes, pirrõõzzstes le'be sää'mvuõdstes. Plakaatt noorât čäppvuõdpei'v čuä'jtõs päikka.

Palddlõspodd

Saa'mi kiõtt'tuájjtuejjlai seä'rvv Sámi Duodji ry vuässâátt po'dde čuä'jtee'l da kaaupšee'l sää'm musiikkid, kee'rjid da kiõtt'tuájjaid. Jee'res čuä'jtõõzz liâ še pue'ttmen – teäđtep tõin mâ'ñlakast! Lää'ssen čuä'jtet sää'mkiõllsaid jie'llikaartid, kook liâ vuá'nik.

Rock da tea'tter



Seárad 7.4. riäžžât jii'jjesnallšem kulttuurjeä'kkääž, kää'tt âánn se'st tâ'vvsää'mkiõllsa tea'tterčuä'jtõõzz Wiljamist di SomByn konseert Mondella. Konseert kooll SomByn ođđ levy čõõdtumu'sše. Ruõcc Kiirunast kue'ssen puátt Giron Sámi Teahter čuä'jtõõzzineez "Ovta guovvamánoiija" (Õhttân tá'lvvmannu innân).

Sää'mte'gğ reäšš ou'dab ee'jji nalla bussjåådtumuužžid čäppvuõđpeivva da määusat di inn-paai'kid Ruä'vnjaa'rgâst. Innpaai'kin da stuällõõttmõõžžin i'Immtet â'lddlest čäppvuõđpei'vi.

I'Immtõõttmõõžž da plakaatt â'lğge tuäimted Sää'mtee'gğ škoou'l'jem- da mätt'temaunâskontra pâ'zllâštammannu 5. pei'v mõõnee'st. Kiičč teädtõõžžid sää'mtee'gğ ne'ttseeidain www.samediggi.fi, koozz šâdd takai i'Immtõõttâmplaņkk da tää'rkab vuä'ppõõžž. I'Immtõõttmõõžž tuäivat liädggsânji.

Čäppvuõđpei'v reä'sše Sää'mte'gğ, Sää'mjânnam pärnaikulttuurkõõskõssä'imm da Ruä'vnjaarg gäärad.

Lâä'ssteädaid:

Kaisa Tapiola

kaisa.tapiola(at)samediggi.fi

te'lf. 010 839 3132, 050 435 0177

www.samediggi.fi

<http://www.samiteahter.org/>

<http://www.rovaniemi.fi/suomeksi/Palveluhakemisto/Nuoret/Nuorisotilat.iw3>